

# DR. KHEW Tonggak Utama Animals For Young

Istimewanya personaliti kali ini bukan daripada segi berapa jenis baka kucing yang diperolehi, atau berapa banyak pertandingan yang dimenangi. Sebaliknya, apa yang istimewa adalah rawatan yang diketengahkan bagi membantu emosi, fizikal dan perkembangan sosial seseorang individu.

## KENALI PERSONALITI

Dr. Khew yang mendapat pendidikan dalam Human-Animal Relations, percaya bahawa haiwan seperti kucing, hamster, arnab dan haiwan eksotik dapat menjadi terapi kepada setiap individu, terutama sekali kepada kanak-kanak istimewa dan individu yang memerlukan rawatan khas.

Untuk pengetahuan semua, sebelum ini Dr. Khew telah membuka kafe kucing, yang telah berjaya dianugerahkan sebagai kafe kucing pertama di Malaysia dalam The Malaysia Book Of Records. Kini, Dr. Khew tampil dengan Animals for YOUNG Intervention Program (AYIP) bagi membantu perkembangan kanak-kanak autisme.

## TERAPI HAIWAN

Pastinya ramai yang tertanya-tanya bagaimana terapi menggunakan haiwan ini boleh membantu seseorang individu, khususnya kanak-kanak. Melalui terapi AYIP ini, haiwan dapat membantu seseorang itu untuk perkembangan fizikal, mental dan emosi, yang sekaligus dapat merangsang kemahiran bersosial.

Antara aktiviti yang dapat memberi rangsangan kepada kanak-kanak ini adalah dari segi, kemahiran motor (motor skills), kemahiran komunikasi, kemahiran sensor dan kemahiran sosial.

## THE COUNTRY CAT CAFE

The Country Cat Cafe merupakan sebuah kafe kucing yang pertama sekali ditubuhkan di Malaysia, bertujuan untuk membantu mengurangkan tekanan kepada pengunjung.

"Melalui cat cafe ini juga saya mendapat idea untuk menubuhkan Animals For Young ini. Awalnya saya menggunakan kaedah rawatan menggunakan haiwan ini ke




atas anak saya, di mana dia merupakan kanak-kanak autistik. Melalui kaedah ini saya lihat banyak perkembangan yang baik ke atas anak saya, dan saya mengambil keputusan untuk membuka center bagi sesiapa yang memerlukan rawatan seperti anak saya di Cyberjaya ini.

"Di pusat ni, saya dibantu oleh Ms. Norshazini yang merupakan pakar terapi profesional dengan kelayakan khas dalam mengendalikan kanak-kanak Autism Spectrum Disorder (ASD), Attention Deficit Hyperactivity Disorder (ADHD), Down Syndrome, Cerebral Palsy, Global Developmental Delays, Slow Learners atau Learning Difficulty, Dyslexia dan Speech Delay.

"Madam Yong yang merupakan guru yang mempunyai 40 tahun pengalaman dalam pendidikan kanak-kanak dan mendapat anugerah daripada Menteri Pelajaran, atas pencapaiannya.

"Ms Casey merupakan profesional baker yang bertindak sebagai Sensory Baking Therapy, dan mempunyai pengalaman dalam dunia bakery sejak dari tahun 1987 sehingga sekarang. Dan yang akhir sekali adalah Mr. Dada yang berperanan sebagai YOUNG Fine Motor Art Therapy. Mr. Dada merupakan artis serba boleh yang berperanan untuk menarik minat kanak-kanak menggunakan cara yang kreatif bagi meningkatkan fine motor skills mereka," kata Dr. Khew ketika ditemu-bual.



## HARAPAN

"Saya berharap, program Animals For Young Intervention ini dapat membantu lebih ramai lagi kanak-kanak dan individu dalam menjalani proses pembelajaran dan kemahiran. Semoga satu hari nanti, mereka dapat menggunakan kemahiran yang ada. Ini dapat membantu mereka untuk masa hadapan juga," kata Dr. Khew mengakhiri sesi temu-bual.